

Na osnovu člana 16. stav (1) i člana 17. stav (2) Zakona o Vladi Hercegovsko - neretvanskog kantona („Službene novine HNK“, broj: 3/07 i 5/09) i člana 28. stav (6) Zakona o koncesijama Hercegovsko - neretvanskog kantona („Službene novine HNK“, broj: 1/13, 7/16 i 6/18), Vlada Hercegovsko - neretvanskog kantona je na 111. sjednici, održanoj 27.11.2019. godine, donijela

**ODLUKU
O DODJELI KONCESIJE
ZA OBAVLJANJE ELEKTROPRIVREDNE DJELATNOSTI PROIZVODNJE,
PRENOSA I DISTRIBUCIJE ELEKTRIČNE ENERGIJE ZA
TRI ELEKTROENERGETSKA OBJEKTA - FOTONAPONSKE ELEKTRANE
„PJEŠIVAC 2“, „PJEŠIVAC 3“ I „PJEŠIVAC 4“, NA LOKALITETU PJEŠIVAC,
OPĆINA STOLAC**

I

Vlada Hercegovsko – neretvanskog kantona kao koncesor, dodjeljuje koncesionaru privrednom društvu „ENERGOSOL“ d.o.o. Jablanica, koncesiju za obavljanje elektroprivredne djelatnosti proizvodnje, prenosa i distribucije električne energije za tri elektroenergetska objekta:

- a) fotonaponska elektrana „Pješivac 2“, instalisane nazivne snage (AC) 150 kW (instalisane snage (DC) 149,94 kWp), na parceli označenoj kao k.č. 1/59 (po starom premjeru odgovara k.č. 991/55) K.O. Pješivac, Općina Stolac;
- b) fotonaponska elektrana „Pješivac 3“, instalisane nazivne snage (AC) 150 kW (instalisane snage (DC) 149,94 kWp), na parceli označenoj kao k.č. 1/49 (po starom premjeru odgovara k.č. 991/45) K.O. Pješivac, Općina Stolac;
- c) fotonaponska elektrana „Pješivac 4“, instalisane nazivne snage (AC) 150 kW (instalisane snage (DC) 149,94 kWp), na parceli označenoj kao k.č. 1/57 (po starom premjeru odgovara k.č. 991/53) K.O. Pješivac, Općina Stolac.

II

- (1) Koncesija se dodjeljuje na period od 15 godina od dana početka korištenja koncesije.
- (2) Rok trajanja koncesije počinje teći od prvog dana perioda važenja dozvole za rad za proizvodnju električne energije.
- (3) Koncesija prestaje istekom petnaeste godine od dana početka korištenja koncesije.

III

- (1) Prava i obaveze koncesora i koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime koncesora s koncesionarom potpisati ministar privrede HNK.
- (2) Krajnji rok za potpisivanje ugovora iz stava (1) ove tačke je 60 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji ukoliko za to nastanu zakonski uslovi, vrši se na isti način i postupak kao kod zaključenja ugovora.

IV

- (1) Jednokratna koncesiona naknada za:
 - a) fotonaponsku elektranu „Pješivac 2“ iznosi 443,11 KM;
 - b) fotonaponsku elektranu „Pješivac 3“ iznosi 443,11 KM;
 - c) fotonaponsku elektranu „Pješivac 4“ iznosi 443,11 KM.
- (2) Tekuća (godišnja) koncesiona naknada je koncesiona naknada za korištenje obnovljivih izvora i obavljanje djelatnosti (TKNd) koja se obračunava za svaku fotonaponsku elektranu pojedinačno prema formuli:

$TKNd = 0,03 \times GPB \times 0,05 \times \Sigma B(12,8)$

(3) Sredstvo osiguranja za izvršavanje obaveza plaćanja jednokratne i tekuće (godišnje) koncesione naknade, je безусловna bankarska garancija za svaku vrstu naknade posebno i to u vrijednosti iznosa ovih naknada, a ugovorom o koncesiji pobliže će se propisati ova obaveza koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

V

(1) Koncesiona djelatnost obavljat će se na način i pod uslovima propisanim svim zakonskim propisima koji regulišu oblast električne energije i izgradnje elektroenergetskih postrojenja ove vrste.

(2) Zakonski propisi i standardi koji regulišu pitanja građenja, zaštite okoline, vodoprivrede i zaštite na radu, su također obavezujući za koncesionara.

VI

Ugovorom o koncesiji obavezno će se propisati i slijedeće obaveze:

- a) da se koncesionar obavezuje, na svoj trošak i na svoj rizik, ishodovati sve dozvole/saglasnosti koje su propisane posebnim zakonima iz tačke V ove Odluke, ukoliko postoje zakonske obaveze i uslovi za to ishodovanje i fotokopije istih dostaviti Koncesoru u roku od 15 dana po pravosnažnosti;
- b) da će se ugovor o koncesiji raskinuti pod uslovima predviđenim Zakonom o koncesijama, kao i ako koncesionar tri godine za redom proizvede na godišnjem nivou manje od 20% od planirane godišnje proizvodnje električne energije;
- c) da je za nadzor nad ostvarenjem koncesije nadležno Ministarstvo privrede ili lice koje ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- d) da se dodijeljena koncesija može prenijeti na drugo pravno lice u skladu sa Zakonom o koncesijama Hercegovačko–neretvanskog kantona;
- e) sve druge odredbe propisane članom 32. Zakona o koncesijama Hercegovačko – neretvanskog kantona, kao i one koje su od značaja za predmetnu koncesiju.

VII

Nezadovoljni učesnik postupka za dodjelu koncesije može, u roku od 15 dana od dana objavljivanja ove Odluke, putem Ministarstva privrede HNK Vladi Hercegovačko – neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko – neretvanskog kantona.

VIII

Ova Odluka stupa na snagu danom njene konačnosti, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02-2499/19
Mostar, 27.11.2019. godine

P R E D S J E D N I K

dr.sc. Nevenko Herceg